

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON/KANTON SREDIŠNJA BOSNA
OPĆINA TRAVNIK

JU Zavičajni muzej Travnik

Broj: 441/18-2

Datum: 02.11.2018. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj 39/14), člana 35. Statuta JU Zavičajni muzej Travnik, a u vezi s preporukom Komisije za javne nabavke broj: 436/18-2 od 02.11.2018. godine, direktorica JU Zavičajni muzej Travnik, **donosi**

RJEŠENJE
o izboru najpovoljnijeg ponuđača

Član 1.

Dodjeljuje se ugovor za javnu nabavku usluga - „Štampanje knjige “Tradicionalna travnička kuća – spontano stvoreni prostorni obrasci”, ponuđaču „Grafotisak” d.o.o. Grude, kao najbolje ocijenjenom ponuđaču.

Član 2.

Izabrani ponuđač je dužan u roku od 5 (pet) dana od dana zaprimanja ovog Rješenja, dostaviti orginale ili ovjerene kopije dokaza traženih tenderskom dokumentacijom ne starije od 3 (tri) mjeseca od dana predaje ponude, u skladu sa Izjavom ponuđača, s tim da datum izdavanja dokumenata ne smije biti nakon datuma podnošenja ponude. Prijedlog ugovora o nabavci dostavit će se na potpis gore izabranom ponuđaču po protoku roka od 10 dana od dana kada su ponuđači obavješteni o izboru najpovoljnije ponude.

Član 3.

Za izvršenje ovog Rješenja zadužuje se Tehnički sekretar JU Zavičajni muzej Travnik.

Član 4.

Ova odluka objavit će se na web-stranici JU Zavičajni muzej Travnik, istovremeno sa upućivanjem ponuđačima koji su učestvovali u postupku javne nabavke, shodno članu 70. stav 6. Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

O b r a z l o ž e n j e

Postupak javne nabavke usluga - „Štampanje knjige “Tradicionalna travnička kuća – spontano stvoreni prostorni obrasci”, proveden je putem konkurentskog zahtjeva za dostavu ponuda broj: 401/18-2 od 09.10.2018. godine.

Procijenjena vrijednost javne nabavke bez PDV-a iznosi 15.000,00 KM.

Obavijest o nabavci broj: 5946-7-2-17-3-2/18 objavljena je na portalu javnih nabavki dana 10.10.2018. godine.

Komisija za javne nabavke JU Zavičajni muzej Travnik, imenovana Rješenjem direktorice JU Zavičajni muzej Travnik broj: 159/18 od 09.10.2018. godine, dostavila je dana 02.11.2018. godine direktorici JU Zavičajni muzej Travnik zapisnik broj: 436/18-2 o ocjeni ponuda sa preporukom o izboru najpovoljnijeg ponuđača.

U postupku po dostavljanju zapisnika konstatovano je da je Komisija za javne nabavke blagovremeno i ispravno izvršila javno otvaranje ponuda, te je utvrdila da su prispjele dvije ponude ponuđača „Štamparija Fojnica” d.d Fojnica i ponuđača „Grafotisak” d.o.o. Grude.

Komisija jednoglasnom odlukom ponudu ponuđača „Štamparija Fojnica” d.d. Fojnica odbacuje kao neprihvatljivu u skladu sa članom 57. a u vezi sa članom 68. stav 4. tačka i) Zakona o javnim nabavkama i tačkom 4.1. tenderske dokumentacije „Sadržaj ponude i način pripreme ponude” koji glasi : Ponuđači su obavezni da pripreme ponude u skladu sa kriterijima koji su utvrđeni u ovoj tenderskoj dokumentaciji. Ponude koje nisu pripremljene u skladu sa ovom tenderskom dokumentacijom će biti odbačene kao neprihvatljive.

Naime, uvidom u ponudu navedenog ponuđača konstatovano je da ponuda nije obezbjeđena jamstvenikom a što je ugovorni organ tražio tačkom 4.1.Tenderske dokumentacije “Ponuda se čvrsto uvezuje na način da se onemogućí naknadno vađenje ili umetanje listova. Ako je ponuda izrađena u dva ili više dijelova, svaki dio se čvrsto uvezuje na način da se onemogućí naknadno vađenje ili umetanje listova. U skladu sa stavom Agencije za javne nabavke BiH pod čvrstim uvezom se podrazumijeva ponuda uvezana odnosno ukoričena u knjigu ili ponuda osigurana jamstvenikom. Pod čvrstim uvezom se ne podrazumijeva uvez „Spiralno”, ponuda dostavljena u plastičnoj fascikli ili sličan uvez koji omogućáva nesmetano mijenjanje stranica ponude. U slučaju da ponuđač uveže ponudu na navedeni način uvez mora biti dodatno osiguran jamstvenikom. Dijelove ponude kao što su uzorci, katalozi, mediji za pohranjivanje podataka i sl. koji ne mogu biti uvezani ponuđač obilježava nazivom i navodi u sadržaju ponude kao dio ponude”.

Tokom donošenja ovog rješenja posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjelih ponuda shodno kriterijima iz Tenderske dokumentacije.

U postupku ocjene provedenog postupka direktorica JU Zavičajni muzej Travnik nije našla nepravilnosti ili propuste u radu, koji bi eventualno bili razlog za neprihvatanje preporuke Komisije za javne nabavke. Naime, utvrđeno je da je izbor najpovoljnijeg ponuđača izvršen u skladu sa Zakonom o javnim nabavkama i Tenderskom dokumentacijom.

Na osnovu gore navedenog te kriterija najniža cijena izabran je najuspješniji ponuđač „Grafotisak” d.o.o. Grude sa ponuđenom cijenom 14.784,00 KM bez PDV-a sa uključenim popustom..

Na osnovu izloženog, a u skladu sa članom 64.stav 1. tačka b), riješeno je kao u dispozitivu.

POUKA O PRAVNOM LIJEKU:

Protiv ovog Rješenja može se izjaviti žalba Uredu za razmatranje žalbi BiH putem Ugovornog organa, u pisanoj formi, najkasnije u roku od pet dana od prijema istog. Naknada za žalbu je propisana članom 108. Zakona o javnim nabavkama. Žalba se podnosi u dovoljnom broju primjeraka, koji ne može biti manji od tri.

Direktorica JU
Fatima Maslić dipl.ist.umj.

DOSTAVITI:

1. Ponuđačima x1
2. Arhiva

